

欽定大清會典事例

欽定大清會典事例卷二百二十五

戶部

鹽法 兩浙

兩浙○兩浙鹽行杭州府嘉興府湖州府甯波府紹興府金華府衢州府嚴州府溫州府台州府處州府江南蘇州府松江府常州府鎮江府徽州府廣德州太倉州江西廣信府以浙江巡撫兼管謹案舊係巡撫總理乾隆五十八年改設兩浙鹽政兼管杭州織造道光元年復歸巡兩浙都轉鹽運使司專理駐紮杭州府撫管兩浙都轉鹽運使司專理舊為運使康熙五十年改為鹽法道乾隆五十八年仍改為運使轄鹽場三十有二仁

和場在仁和三縣三江場在山陰縣東江場在會稽縣曹娥場在會稽縣

積金山場在虞縣錢清場在蕭山縣穿長場在鎮海縣石堰

場在姚餘縣鳴鶴場在慈谿縣雙穗場在瑞安縣龍頭場在鎮海縣

大嵩場在鄞縣許村場在海甯州杜瀆場在海鹽縣永嘉場

在永嘉縣長林場在樂清縣玉泉場在象山縣黃巖場在太平縣長

亭場在海鹽縣清泉場在鎮海縣隸甯紹溫台分司運副

駐紮杭州府浦東場在山陰縣下沙頭場在南縣黃灣場在海鹽縣

甯西路場在海鹽州蘆漚場在平湖縣鮑郎場在海鹽縣海沙

場在海鹽縣下沙二三場在南縣青村場在奉賢縣袁浦場

在華亭縣橫浦場在華亭縣崇明場在崇明縣隸嘉松分司運

判。駐紮杭州府。舊有仁和縣場。以光緒十七年

奏銷冊計之。共行鹽三十三萬六千六百引。徵

課銀六十萬七千二百四十七兩。謹案嘉慶五

七十萬四千六百九十八引。每引徵課三錢九分三厘。下

十五斤。杭所嘉所紹所。每引徵課三錢九分三厘。下

釐有奇。松所四錢二釐。溫所下則一錢九分。台所

下則二錢五分一釐。溫所下則一錢九分。台所

十有八。每票行鹽四百斤。每引徵課一錢九分

有奇。共課銀九十七萬四千三百五十二兩六錢有

奇。餘引每年○順治二年題准兩浙行正鹽六

十六萬七千一百五十三引。每引徵課銀四錢

五分六釐。分浙東三十三萬八千五百九十八引

浙西三十五萬八千五百五十五引

小票改引五萬七千二百九十有五。每引徵課銀一錢一分一釐五毫有奇。○十年覆准。增票引萬七千四百五十有五。正引十萬。照例徵課。○十六年題准。停止新增引目。課銀於正票引內攤補。○又題准。將溫所五百二十引。改嘉所行銷升課。○康熙元年覆准。改台所萬引。於嘉松二所行銷升課。○二年題准。改紹所六千七百八十四引。於嘉所行銷升課。○七年覆准。增松所萬四千九百引。照例徵課。○又題准。改紹所二萬五千十有六引。於杭嘉松三所行銷升

課。○八年改台所二千六百二十五引。於杭所行銷升課。改紹所下則三千二十四引為上則。照例升課。○十年題准改溫所六千引。於杭所行銷升課。○十四年題准正票每引加課銀五分。○又題准松所下則三千引。改中則升課。○十五年覆准太倉地窄引多。將新增引目二十改於常熟縣地方行銷。○十六年題准正票引。照兩淮例每引加鹽二十五斤徵課。杭嘉三所及松所中則每引一錢。紹台及松所下則下下則每引七分。溫所及紹所下則並票引每引四

分五毫。○又覆准。票引每引升課銀三分五毫有奇。○十八年題准。計丁加嘉所九千一百七十五引。松所千三百三十三引。杭所二千四百八十四引。紹所二千六十三引。溫所千五百三十九引。台所二千有二引。照例徵課。○又覆准。崇明縣地居海外。向不行引。亦無包課。今以十三丁派一引。按引包課。共計二千八百五十六引。照溫所課則徵銀七百四十一兩有奇。○又覆准。靖江縣逼近淮甯。商人不肯挾費蹈險。今照崇明縣例十三丁派一引。共二千二百六十

九引徵銀五百八十九兩有奇。○十九年題准計丁加正引八百八十七引五分。票引萬八千九百四十八引。照例徵課。○二十年題准計丁加仁錢二縣票引六千。照例徵課。○二十二年題准加仁錢二縣票引。紹所中則正引各一千。照例徵課。○二十三年覆准溫公泉各場招徠。竈丁增墾鹽地及新漲海塗。共升課銀千五百三十五兩八錢一分有奇。○二十四年覆准增墾鹽地稅銀四百七十三兩五錢有奇。○又覆准增下沙西興等場升課銀二百三十四兩五

錢有奇。○又覆准停徵。每引加五分課銀。○二十五年覆准。兩浙鹽課。每兩加滴珠銀一分。於二十四年起徵。解餉車腳。每兩支給七釐。○二十六年覆准。下沙等場新漲蕩地。共五千六百二十八畝二釐零。計升課銀一百八兩七錢九分九釐有奇。外再加滴珠銀一兩八分七釐有奇。○又題准。兩浙鹽課。於近場府縣照民戶納糧之例。立櫃徵收。竈丁自封投櫃。給票甯家。不許官收民解。○二十七年覆准。永嘉等五場續招竈丁千三百名。認墾地畝。共復課銀一百六

十兩二錢有奇。○又覆准。下沙等場漲墾蕩地
共六千八百八十五畝零。共升課銀八十八兩
五錢四分三釐有奇。○二十八年覆准。兩浙石
堰。鮑郎等場新增竈丁六名。蘆薪沙塗沙蕩升
課稅銀。於二十七年起徵。○又覆准。玉泉長亭
二場。招徠竈丁八十三名。認墾蕩田地。共復課
銀七十一兩七錢九分四釐有奇。每兩加滴珠
銀一分。○二十九年覆准。穿長。玉泉等場。招徠
竈丁。認墾蕩田地。共復課銀五十一兩二錢二
分有奇。加滴珠銀五錢一分。於二十八年為始

徵解。○三十二年覆准。定海縣鹽課銀。照十八年崇明縣例。派引增課。○又覆准。雙穗等五場。招徠竈丁四百十有五名。照例徵課。○又覆准。餘姚縣並錢清石堰等場。漲墾蕩地沙塗共七十一頃七十二畝。照例升課。○三十三年覆准。定海縣派行二百有一引。照例起徵。○又議准。加課銀五萬兩。○三十六年覆准。兩浙各場。漲墾蕩地共三十頃三十一畝一分。於三十五年起徵。○又覆准。竈丁越縣輸課。道路遙遠。嗣後令場員徵收。○又奉。

旨。免加斤銀一半。共三萬一千三百八十九兩有奇。○
四十二年覆准。浙省杭州等六府所屬地方竈
課。歸入就近之平湖等州縣徵收。○四十六年
覆准。浙江雙穗等場。共招復丁地課銀二十五
兩五錢有奇。滴珠銀二錢有奇。於四十五年為
始。入額徵解。○又題准。浙江慈谿縣並西興等
鹽場。共墾過地九頃二十六畝。於四十五年入
額徵解。○四十八年題准。兩浙三江石堰等鹽
場。報升新丁並蕩地二頃八十七畝九分。入額
徵解。○五十一年覆准。將溫所額行七千九百

四十八引。歸入紹所照例徵收。○雍正元年覆准。江南婺源縣分銷休甯引鹽。祁門分銷黟縣引鹽。○又覆准。長林雙穗等場。認墾坍地二十五畝。招徠竈戶三十八名。於本年為始。入額徵解。○又覆准。西興等場新墾沙地等項十頃三十四畝零。於本年為始徵課。○二年覆准。將紹屬之西興場裁去。應配鹽引並丁蕩由單。歸併錢清場管理。○三年題准。每引加鹽三十五斤。○五年覆准。江南蘇松二府屬及太倉州所轄之縣。交蘇松道督緝。一切鹽務。令該道承審。定

案詳結。其常鎮二府所屬。責成常鎮道督緝。如有督緝疏縱。該督指名題參。○六年議准。江南蘇松常鎮四府屬縣。為浙引疏銷之區。京口地方。為兩浙行鹽門戶。壤接淮界。而淮北私鹽透越蔓延。嗣後鎮江牕口盤查私鹽。責成江常鎮道督同鎮江府海防同知。並京口將軍標下副將。及鎮江城守參將。就近分班輪流盤驗。無論糧船兵船大小差船。皆親查驗。如有夾帶整包私鹽。即行拏究。照興販律治罪。如有疏縱失察。照例參處。○又覆准。動帑八萬兩。收買竈戶餘

鹽。○七年覆准。兩浙頒發額外引目十萬。依河東豫發餘引之例。令商人領配賣鹽完納課費。通融配掣。如有餘贖。即行繳部。○八年題准。每餘引一紙。輸銀四分。以六釐留為紙硃路費。餘抵功績額銀。○又議准。兩浙引課。除江南松所外。杭所每引徵課銀四錢四分有奇。嘉所每引徵課銀四錢二分三釐有奇。紹所每引徵課銀三錢四分有奇。向因地方衝僻。行銷難易。分別等差。酌定課則。今各處私鹽漸少。官引疏通。完課似應畫一。嗣後杭嘉紹三所。每引均勻攤納。

課銀三錢九分七釐有奇。於本年為始。○乾隆元年

諭浙江濱海地皆斥鹵。向來鹽價甚賤。居民稱便。十餘年來鹽價增長。近則加至二三倍不等。夫以小民日用必需之物。而昂貴若此。朕屢次切諭該督。令其悉心經理。乃數月以來。雖據奏報鹽價漸平。然較之十數年前仍屬昂貴。朕再四思維。並留心諮訪。鹽價之貴。固在於場鹽少產。亦由於商本艱難。惟有使商人鹽斤充裕。則鹽價自然平減。今酌定增斤改引之法。將杭嘉紹三所引鹽。循照兩淮舊額。每引加增鹽五

十斤。連包索共重三百二十五斤。至松江一所。原屬濱海產鹽之區。向因額設季引九萬有餘。分別上中下三則。徵收正課公費銀五萬四千餘兩。遂使近場州縣。多有鹽貴之苦。今循照淮海溫台等處之例。改行票引九萬餘。每引給鹽四百斤。令商本充裕。轉輸便易。商人不受減價之累。百姓多受減價之益。該督再為多方調劑。加意體恤。庶可復還十數年前之原價。以便民用。著該部行文該督。遵照諭旨辦理。○四年題准。浙江松所。改歸紹所。萬引。台所二千引。自乾隆二年為始。入額辦銷。其改撥之引。均照

各所課則納課行銷。改紹所萬引。例應完公費。其改台所二千引。例不輸納公費。所出公費銀在於台所贏餘項下撥補清款。○又題准。浙江台溫鎮府營場及崇明岱山等處。領帑收鹽支放解存各項。均於歲終截數。責令文武各官調換盤查。以清帑項。○六年題准。靖江一邑。原係浙鹽引地。因淮鹽引賤。多食淮私。應仍歸浙省運銷。將崇明餘鹽撥運。每年行銷三千引。如崇鹽不敷。即撥岱山之鹽接濟。○七年題准。兩浙收買餘鹽。原動帑銀八萬兩不敷收買。將贏餘

銀增撥四萬兩。以為收買餘鹽資本。○十八年奏准浙江台州温州二府屬所收外輸經費銀。每年准其留銀九千八百二十八兩有奇。以為承辦帑鹽文武各官經費之用。其覈減銀二千六十九兩有奇。即造入贏餘奏銷冊內。報部查覈。○二十六年覆准兩浙鹽課舊例於五月奏報。今改於歲底造冊報銷。○二十九年覆准玉環同知按年於原發帑本內領銀一千五百兩。給竈煎鹽。今所屬塘洋後峻鹽盤三處。每年約可得鹽百餘萬斤。煎鹽帑本不敷。酌加銀五百

兩。以為收鹽帑本。平陽縣之南鹽場。沙塗復漲三十里。計地六十餘畝。安竈三十座。令該處民人報充竈戶。所出鹽斤。交官收買。於温州府收鹽帑本內。動銀四千兩。設竈煎鹽。○三十年覆准。兩浙原存帑本銀十二萬兩。內除乾隆十二年漂失鹽斤案內。題豁銀一千五百五十兩零。實留銀十一萬八千四百四十九兩零。現在竈鹽有餘。需帑收買。於公費分規銀內。再酌留八萬一千五百五十兩零。共成二十萬兩。為收鹽帑本。○三十五年議准。定海縣三十七澳餘鹽。

令定海縣知縣定標中軍遊擊會同分廠收買於鹽道庫收存公費銀內動撥銀四萬兩以爲收鹽帑本。○三十七年奏准兩浙每年酌定餘引十五萬道。○又議准松江所行銷壅滯以松所難銷之引改撥二萬引添於紹所行銷即照紹所科則按引完課。○三十九年議准兩浙加增餘引五萬道。○四十一年議准兩浙行銷各屬鹽斤價隨時售並無一定。○又議准浙江正餘引課竈課於次年十二月奏銷。○嘉慶二年題准浙江省台州溫州松江三所竈丁餘鹽及

定海縣各澳餘鹽。官為給價收買。內溫台松三所。並玉環一廳。定海一縣。原給帑本銀二十三萬九千五百九十五兩二錢二分一釐。除嘉慶元二等年風潮案內。豁免帑本銀三萬八千二百三十五兩五錢五分五釐外。計實給帑本銀二十萬一千三百五十九兩六錢六分六釐。賣出價銀。除繳還帑本外。所獲贏餘。奏報充餉。○十八年覆准。南沙官廠。照場竈聚團之例。編列字號。僉派殷商。齎本赴廠。與煎戶自相交易。責令錢清。三江二場。督察經理。如有私鹽偷漏。知

縣照例議處。同知照州縣之例減半議處。巡檢
照捕官例參處。○二十五年題准。浙江省台州
溫州松江三所竈丁餘鹽及定海縣各澳餘鹽
官為給價收買。原給帑本銀二十三萬九千五
百九十五兩二錢二分一釐。除嘉慶元二三年
風潮案內題豁銀
三萬八千二百三十五兩五錢五分五釐。又嘉
慶二十五年風潮案內題豁銀六千四百七十
兩七錢五分。計實給帑本銀十九萬四千八百八十
八兩九錢一分六釐。賣出價銀除繳還帑本外
所獲贏餘奏報充餉。○道光元年覆准。每年額
頒餘引十五萬道外。另發照改餘引八萬道。在

仁和錢塘海甯餘杭海鹽石門平湖鎮海山陰
會稽蕭山奉化嵊縣鄞縣慈谿象山餘姚上虞
十八州縣暨溫台二所行銷遇正引銷完止准
接銷餘引不得仍前給照配銷所領餘引如有
存賸同已銷之引按年一併解部查銷其正雜
課銀均照各該地額引科則輸納每年專案奏
銷另造引課清冊送部查覈○又覆准浙江杭
紹嘉松四所甲商每所額定一人以資辦公毋
許額外增設○二年議准兩浙袁浦場漂缺地
方所產竈鹽悉令商人收配每百斤加耗五斤

價隨時定。舊有墩塗地畝。由官勘丈報升。並編設竈戶門牌。限定煎鹽數目。交不足數。按卯稽比。儻有透漏。嚴行究辦。仍將失察之場員議處。○九年覆准。兩浙石堰場埋上埋下兩團。設立煎竈七座。所產鹽斤。飭令餘姚鄞縣慈谿奉化四縣商人。及紹所各商按數認銷。儘收儘配。每鹽一百斤。加耗五斤。以償涵耗。○十二年奏准。綱引套搭。庫款牽混。係浙省向來積弊。欲正綱分。必先疏通積引。請將辛卯秋冬壬辰春夏四季正引。併作一綱。全行統銷。應完正雜錢糧。從

癸巳綱起分五年賠繳。暫停請領餘引。即將積引作為餘引。俟積引銷完。再領餘引。並革去巡商名目。以節經費。○二十九年奏准。杭嘉紹三所引鹽。於每引例捆三百三十五斤之外。杭所嘉所加鹽四十斤。紹所加鹽二十斤。所加之鹽止完正課。免輸內外雜款。責令該商隨同額鹽併包捆運。以杜弊竇。松所每引例捆鹽四百斤。為數已重。毋庸再加。○又奏准。嘉興所之丹陽靖江松所之崑山新陽青浦上海南匯等處認配各商。半多停歇。責成運司選商辦運。並於雜

款內籌銀二三萬兩。委員赴場收買竈鹽。俟配商捆運時。繳價歸款。免其輸息。○又奏准。巡緝私販。責成官商分辦。並由運司查覈。如兩月不能報獲私鹽。以致銷數短絀。覈其短銷之數。將緝私經費。分別扣成給發。其商人自行巡緝者。亦責令認真辦理。如有獲犯。皆歸運司審究。罪名重大之案。發州縣照例審解。其餘賞罰。悉由運司酌定。務歸覈實。至口岸存鹽。總以按額計算。存有一月鹽數為斷。如所存一月數外。又積一月之鹽。則是銷不足數。應責官以情緝。如後

鹽不繼。銷及一月。應存之鹽。則是運不足數。應責商以情運。務令地方官及該商人等。各自認真辦理。不得互相推諉。○又奏准。緝獲私鹽。應酌量充賞。並令商人補課配銷。如拏獲私鹽數在一千斤以下者。全行變價充賞。其一千斤以上。及數千斤至數萬斤。不論有無奇零。統作十成計算。均以六成變價充賞。四成令商人補課。作正配銷。以昭平允。○同治三年。奏准。浙省票鹽。歸牙釐局辦理。○四年。奏准。兩浙鹽務。改行票運。課釐並收。無分正雜。各項幣利。一概停徵。

○八年議准江蘇省蘇松常鎮太四府一州引地招商認行六萬六千引。仍照票課每斤完課八文。毋庸另議科則。並將各所耗斤名目。即行禁革。○又奏准浙省票商不列真名的姓。隨時領運搶銷。設有弊端。難以究詰。現在釐局各員不能兼顧。另在省城設立督銷總局。專辦浙東各屬鹽務。委運司主政督辦。藩司會局辦理整綱。覈加額引。招商分地認運。按春秋兩季完課掣運。以庚午年春綱為始。給予執照。循環轉運。按年領六萬二千引。徵正雜課銀九萬五千六

百八十六兩。並飭各府局將釐捐鹽務。分款報解。以清眉目。○九年奏准。蘇松常鎮太五屬鹽務。現改舊商認引完課。係屬參用票章。前部議毋庸另定科則。不論何地。一律每斤完課八文。恐暢地多銷。滯地少銷。課款必致虧短。且兩浙耗鹽。實因水陸拋散私衝。銷滯折耗之故。其勢不能不加。若一經革除。則江省五屬舊商。認辦為難。各票商必至裹足。應請將杭紹嘉松四所耗鹽。仍照改票原案。分別給商。以示體恤。○又奏准。浙東引地及浙西引地內之杭嘉湖三屬。

招商認領二十四萬八百引。○十年覆准兩浙

鹽務。由票運改辦票綱。每年共認引額三十三

萬六千六百引。每引完銀自一兩九錢以實徵及一兩四五錢一兩不等。

銀五十萬七千二百四十七兩。內浙東金衢嚴徽廣及諸義浦。

富新於昌正減各地徵銀三十五萬二千四百七十兩。杭嘉湖正減各地徵銀六萬三千兩。蘇松

常鎮太正減各地徵銀九萬四千兩。○又覆准甯紹台處四屬無

商可招。仍抽鹽釐。通年約收錢七萬串。杭嘉紹

三所肩住引鹽。仍照票章辦理。通年約收錢十

萬餘串。以銀覈計。約共徵銀十萬兩。又覆准

釐定課銀六十萬七千二百四十七兩。內以銀

三十二萬三千二百兩七錢九釐。提充正課。以銀六萬。提充按引徵收之公費。仍分春秋入冊報撥。再以銀八萬。提充帑息。為海塘修築經費。其餘銀十四萬四千四十六兩零。抵放雜支。分別內銷外銷。逐款隨案聲註。按現時引額尚未復舊。而課額未便稍虧。是以釐定科則。仿照票章。從多覈計。○又將來引額復舊。仍准勻減科則。以昭公允。又覆准織造公費。每年提銀五千兩。藩運兩庫支放各款。每年各提銀三萬兩。其巡費局用。俟奏銷時額課無虧。每年准提銀三萬六千兩。僅課額徵不足數。即將巡緝費減成。均在十四萬四千餘支放。不敷之款。由商捐墊。

兩雜款銀內提用。餘銀提存運庫。以備緊急款項。及銀價不敷短絀之需。○又覆准。票綱商人認辦引額。概令捐輸海塘經費一次。按引捐銀一兩。至一兩二錢不等。給予印照執守。逢綱驗票運鹽。所捐銀兩。發典生息。作為塘工歲修。每年隨同奏銷。將收支數目。另冊報部。○又覆准。水鄉竈課額徵銀十一萬兩有零。除荒實徵若干。入冊報撥。○十一年

諭浙西蘇松等四府一州。為浙鹽引地。自改復商引以來。試辦已逾兩年。迄無成效。所有耗餘加認之數。著

暫行寬免。以恤商力。○又覆准。浙東杭嘉湖金衢嚴
徽廣八屬。加耗二萬四千二百引。應完課銀三
萬八千餘兩。○又議准。江蘇靖江縣向食浙鹽。
自浙省改票運後。暫食淮鹽。包完浙課。嗣後仍
將靖江引地歸還兩浙。如有淮商藉包課之名。
侵銷浙境。由浙江巡撫叅辦。○光緒四年奏准。
浙東綱引滯銷。所有杭嘉湖金衢嚴徽廣八屬
續加耗引。援照浙西成案。自戊寅綱起。暫予停
運。以恤商艱。○又奏准。江蘇靖江縣。每年銷三
千引。徵正課銀八百五十五兩有奇。○八年議

准蘇松常鎮太五屬於原定六萬六千引外。加
認三萬四千引。照靖江縣止完帑課成案。藉以
減價敵私。其餘雜款。概免輸納。

欽定大清會典事例卷二百二十六

戶部

鹽法 福建

福建○福建鹽行西路延平府建甯府之建安
甌甯建陽崇安浦城五縣邵武府東路福州府
之羅源古田屏南三縣建甯府之松溪政和二
縣福甯府南路福州府之閩侯官長樂福清連
江閩清永福七縣興化府泉州府漳州府永春
州龍巖州惟臺灣一府自雍正元年裁革官商
委臺灣府兼管官收官賣以閩浙總督總理福

建鹽法道專理

謹案舊係鹽驛遵雍正十三年驛傳事務歸於糧道管理鹽驛

道改為

轄鹽場一十有四福清場在福清縣江陰西

場

在福清縣莆田場在莆田縣下里場在莆田縣前江場在莆田縣

潯美場

在晉江縣惠安場在惠安縣浯洲場在同安縣祥豐場

在同安縣蓮河場

在同安縣漳浦南場在漳浦縣詔安場在詔安縣

石碼場

在龍溪縣福興場在福清縣以光緒十七年奏銷

冊計之共銷鹽五十四萬五千引有奇課耗釐

三項共入銀三十七萬七千二百九兩有奇

謹案

嘉慶五年共行正鹽五十四萬五千六十二引額餘引四十萬一千四百二十有三西路每引行鹽六百七十五斤東南路每引行鹽百斤課八十有七萬四千八百三十兩八錢有奇額餘

課銀十有四萬三千五百八十七兩九錢有奇
贏餘銀九千五百五十六兩八錢有奇此
外尚有額外餘引十有二萬三千
○順治三年題准
每年儘銷儘報無定額

福建行正鹽二萬一千四百四十五引
分銷西

外每引課銀一兩一錢三分五釐四毫東路千
一百九十引每引課銀二兩一錢一分三毫南

路二百引每引課銀二兩五錢八分一釐永福
港五十五引每引課銀一兩一錢七分三釐二

有毫各又南路六澳每澳徵銀六十七兩七錢二

分一釐東路細鹽課銀二百二兩漳屬西溪鹽

二萬二千二百三十六包每包稅銀二分七釐

七毫北溪鹽萬九千五百四十八包每包稅銀

八分六釐九毫各有奇○康熙十六年題准每

正引加課銀五分。○又題准西路增鹽二千引。照額徵課。○又裁黃崎分司一缺。○十七年題准西路每引加斤銀七分。東南二路每引加斤銀三分。○二十二年題准招回曬丁墾復鹽邱。每邱加徵銀一錢。○二十三年覆准福興泉漳等府屬增二萬一千八百十有一引。入課銀五千八百四十二兩八錢有奇。其鹽引斤數與舊引不同。別鑄銅版刷給辦課。○二十四年議准新引加斤。增課銀六百五十二兩七錢有奇。○又議准徵續墾鹽邱銀三百二十五兩八錢。○

又議准福建依山竈戶墾復田地徵鹽折銀四千三百十有六兩有奇。附海竈戶墾復田地徵收本色鹽。聽商支取辦課。○又覆准停徵每引加五分課銀。○三十一年覆准專設鹽差運使刊造由單呈該御史報部。○又覆准海牛二場依山附海一田兩賦田地被海潮衝沒其鹽折與本色鹽免其徵收。○又題准增閩縣壺江灣課銀四十五兩。長樂縣石澳課銀三十兩。連江縣奇達定海北茭依山館頭四澳課銀三百二十兩。○又題准泉屬七縣及福屬福清閩連江

三縣認增淹浸鹽額加課銀千二百四十五兩
興屬莆仙二縣淹浸鹽斤稅銀二百九十二兩
五錢漳屬鹽包鹽額加增銀千七百四十一兩
○三十二年題准將細鹽一半仍為淹浸按東
路引額減半徵課一半改引照引額徵課○又
覆准永福詔安二縣加課銀一百二十六兩一
錢○又覆准各路增行六萬四千三百九十四
引增課銀萬八千九百兩有奇於三十二年為
始照數徵收○又題准加引之興泉漳三府屬
並福清等縣各場地方行令專設捕役責其緝

私鹽以疏官引。○三十七年覆准。浯州一場。墾復鹽邱百五十七邱。照例徵課。○四十七年覆准。福建鹽田徵輸鹽折。總屬民田。將海牛場鹽折銀。歸併福清縣徵收。上里場鹽折銀。歸併莆田縣徵收。其海牛上里二場官悉行裁汰。俸食充餉。其督緝諸務。歸併福莆二縣丞管理巡查。鹽折銀二縣徑解運使。仍照例奏銷考成。○雍正元年覆准。將鹽院衙門各官。及商人盡行裁汰。應徵課餉。照廣東瓊州府徵課之例。均攤各場。交與各州縣照數收納。解交司庫。仍令每場

選委佐貳官一人專管鹽務令買賣人等平買平賣。○五年覆准令該督等將每年羨餘確數據實奏

聞充餉。○又覆准閩省鹽暫令水商行銷試行一二年之後無誤課入再為題明照兩淮等處之例設引僉商。○六年題准閩省額徵鹽課公課仍照實數作為正額其餘溢行之鹽將所獲之銀儘數造入贏餘冊內具題至起解鹽課應支水腳等公費銀俟解京時豫行題報動支。○又題准辦理鹽務各官雍正二年悉已裁汰嗣後於

通省佐雜內遴選幹員令其管理○又題准閩
省產鹽各場令場官書役將鹽票填明巡查之
地務令截角並嚴飭該管各官增設圖長甲長
照保甲之例互相稽查○乾隆元年題准附場
貧難老少向許負鹽易米度日閩省福清等場
貧難老少負鹽甚多各縣課地反為貧難負鹽
所占有礙鹽法今將額定貧難七百九十六名
每名日給錢十文於錢水項下動給俾老少殘
疾得資餬口並杜其影射販私之弊○七年

諭閩省為濱海之區百姓多藉魚鹽之利以為生計朕

聞該省鹽課內頗有苦累商民之處。蓋有司於應徵課銀外。輒以雜費無出。藉端加派。習以為常。如每鹽百斤。加增錢二十文至七八十文不等。名之曰長價。又各場肩魚客販買鹽。請領道印結票執照。或每單徵錢三文。或每石徵錢三文。名之曰單錢。又正額每鹽百斤。收銀一錢五分。各場實收錢百五十文。該合銀一錢六分六釐。每百斤申銀一分六釐。亦令入官。名之曰錢水。以上各項。皆巧取陋規。不便於商民者。著該督撫一一確查。通行禁革。如有必不可少之雜費。即於項內存留若干。減去若干。不得仍前多索。永

著為例。務期實力奉行。俾商民得以寬裕辦課。且使肩挑背負之民。均霑餘利以餬其口。○又題准閩省招商行鹽。每年額頒正引五十四萬五千六十有二。餘引四十萬三千一百六十有二。如有銷不及額。照例報參。又額外餘引十二萬三千。不必註定州縣。令各路通融辦銷。儘銷儘報。不入年限考成之內。儻有存贖餘引。繳部查銷。○三十年。覆准福建運銷鹽斤。一切船價夫腳工伙食物。較前昂貴。商本不敷。除題定官辦之長樂。福清。晉江。同安。四縣。並惠安縣。招商乏人。委官

辦運並無增價外其餘各幫每斤按一文之數折半加增其實在售運維艱不敷成本幫數准其每斤增價一文以贏商利俟商力充裕臨時再行酌減○又議准福建正引課窳課於次年六月奏銷餘引課再次一年於七月奏銷○四十年覆准福建溢額贏餘項下撥出銀一十三萬兩分存鹽道庫及興化泉州漳州各府庫飭令各場員按期陸續請領養窳收鹽配商轉運收還原價按月造報儻所發帑項窳丁不能歸還原款即著落經手場員賠補○又覆准閩

省商辦各幫。若遇陰雨過多。場鹽少產。照粵省之例。總埠每斤量增賣價一二釐。子埠分別量增。○四十四年奏准。福建本薄小商。酌借帑銀。以資接濟。所借秋季之帑。於夏季底繳還。冬季之帑。於秋季底繳還。以備支發。取息一分。應於領借時責成衆商。出具連環保結。一商有誤。衆商公完。所收息銀。留為修理鹽倉公用。○四十八年議准。福建福清。詔安。莆田。下里。浯洲。洪白。赤杞。江陰。潯美。涵洲。惠安。烈嶼。浦東。浦南。前江。等十五場。或產鹽數多。或緝私緊要。俱一例改。

為實缺。以專責成。○五十年奏准。福建王祥洪
白赤杞。江陰上里下里。甯江。潯美。兩洲。惠安。浯
洲。烈嶼。浦東。浦南。詔安。計實缺十五場。共應配
鹽一百二十萬一千四百六十七石一十九斤
有奇。○五十一年議准。福建同安縣轄之祥豐
里。為新舊鹽埕適中之所。便於四面稽查。即於
該處建設衙署。命名祥豐場。以資巡查。照該省
原設十五場收鹽分數一體按年造冊考覈。○
五十五年議准。福建臺灣原定額餘鹽斤之外
所有埕底泥鹽帶土刮收。每年約可得二萬石。

撥臺灣鳳山嘉義新化淡水澎湖等六廳縣銷售。每年應徵課銀一千八百一十八兩一錢八分二釐。按數徵輸入冊奏銷。如有缺誤。照例叅處。○嘉慶二年。覆准閩省烈嶼場產鹽較少。裁歸附近之浯洲總場管理。又祥豐場產鹽較原額增至兩倍。於蓮河地方增設大使一員。分管祥豐事務。○又覆准福建正引額課。於次年十月奏銷。餘引額課。再次一年。於十二月奏銷。○
又

諭閩省商運溢課。既據該督奏稱。從前場鹽絀產及海

潮衝失等事。以致誤運積欠。急應量為調劑。以紓積困。著加恩准將該省商運各幫年行溢引。自嘉慶三年起。應辦元年溢額。停徵二年。再展至嘉慶五年起。將應徵溢課項下。分作三年帶徵。共限五年全行完款。庶商力益臻充裕。此係朕格外施恩。該督等務須飭令依限全完。不得再有懸宕。致干咎戾。○五年

諭。晉江等四縣辦理鹽課。最為賠累。著加恩將晉江縣應銷餘引內酌減去五千道。南靖縣應銷餘引內酌減去四千道。莆田縣應銷餘引內酌減去二千道。福清縣應銷餘引內酌減去三千道。以示格外體恤。至

意。○十七年奏准福建通省共定產額鹽一百三十
二萬七千八百餘擔。飭令悉數歸官。並按官商
分析幫地就近分勻坐配。○又奏准福建各廳
縣向將課地付之館伴丁胥以致舞弊。嗣後館
伴務令慎選妥人。每月報銷引張。並賣收鹽價。
責成該管知府隨時稽察。並廳縣交代。舊任官
將已領未用之引繳道查銷。其尚未屆期之引。
扣明截却日期交新任官行用。○又奏准添設
福興場。分管赤杞場三小團原墾中則鹽埕三
千三百九十九坎。又巖頭等村新墾下則鹽埕

三萬一千四百四十坎。共鹽埕三萬四千八百三十九坎。○又裁漳浦東場。歸漳浦南場兼管。○十八年議准。福建省福興場帑本銀四千兩。該大使承領發兌收鹽。年終委員盤查取結。造冊報部查覈。如有虧挪。嚴揭叅處。○十九年議准。閩省官商配運鹽斤。並革除團秤。礪秤名目。及海耗等項開銷。○二十年題准。福建省福清王祥團收鹽一萬擔。洪白團收鹽二萬擔。赤杞團收鹽二萬五千擔。江陰團收鹽一十三萬二千四百二十七擔五十斤八兩。上里場收鹽七

萬四千六十五擔七十七斤。下里場收鹽一十七萬五百四十八擔八十斤。前江場收鹽一十三萬八千八十八擔三十一斤。潯美場收鹽五萬二千五百五十五擔。泗洲場收鹽二萬九千三百七十五擔。惠安場收鹽八萬四千四百九十二擔三十二斤。浯洲場收鹽二萬七千二百六十七擔五十斤。祥豐場收鹽七萬四千八十八擔。蓮河場收鹽二十六萬八千八百二擔四十斤。漳浦南場收鹽三萬一千七百四擔六十九斤。詔安場收鹽六萬五千九百八十八擔八十三斤二兩九

分三釐。福興場收鹽一十三萬擔。○又題准。福建福清等十六場鹽漏一千三百六十一口半。鹽埕二十四萬一千一百零九坎。鹽邱三萬八千四百九十一邱。八分六釐。歲應徵解藩庫。漏課鹽菜銀一百三十三兩一錢九分三釐。徵解鹽法道庫。邱課鹽菜公費等共銀四千一百三十六兩六錢六分一釐八毫。內福興場應徵鹽折銀五兩二錢二分六釐。歸福清縣徵收。○又議准。福建省官商赴場配鹽。遵照部法。每百斤為一擔。西路各幫耗窰各鹽。每擔自十斤至三十斤不等。東南縣澳幫分耗窰各鹽。每擔自五

斤至二十均准隨同正鹽配運。各場員以年產

額鹽全數統計十分為率以定考覈。按年分析

造報。○又覈准臺灣府噶瑪蘭每年額鹽七千

石。

由府場撥運

每石徵番廣銀三錢三分。共徵番廣

銀二千三百一十兩。折給蘭境兵餉。其贖價即

於課本內支銷。責成該通判經理。如銷徵缺額

著落賠補。仍將經徵職名造入奏銷冊內報參。

○二十三年奏准。閩省鹽務場員一十六缺。以

產鹽之多寡分缺之繁簡。而場產衰旺。今昔不

同。應行裁改以歸覈實。定以福清洪白赤杞併

為一場。仍為簡缺。潯美。涵洲。併為一場。改為簡缺。莆田場亦改為簡缺。其浦下一關。驗掣西南兩路各幫鹽斤。石碼一關。地處漳州龍巖之間。逼近場窰。掣驗漳州龍巖運船。儲倉轉剝。均關緊要。定為繁缺。西河一關。僅司盤吊。定為簡缺。

○又覆准。閩省鹽務商人。虧折賠累。一在裁革

團科。

從前行用團科。以中出。每斤六十斤。以三十斤抵價。折耗。

而又不加耗

鹽。

以擔引折運。每百斤僅折給四十一斤。有奇。

一在折合蓬擔。而又

飭收回代額。嗣後官幫收回。歷年未銷額引。仍飭西商代銷。以免懸宕。其勾代官幫縣澳。均免

其折合蓬擔如有澳幫臨奏不及或實在無力
辦運及官幫缺銷課欠款懸令西商代完銷者
一體邀免除縣澳各幫仍照原額勻代外各縣
代額鹽數按照現在情形酌量改撥○道光四
年奏准臺灣府勻銷內地南靖長泰二縣引鹽
○又覆准閩商積欠銀兩酌分年限帶徵○十
二年奏准閩商欠完六八帶徵課款分限完繳
○咸豐元年

諭閩鹽東西兩路倒退蓬額前經劉韻珂奏請改為委
員官運甫屆兩年何以又請將東路官領運本統交

販戶領運。著新任總督李芝昌巡撫王懿德確查現辦官運有無把握。如將民捐運本交販戶承領試辦。有無流弊。查明據實覆奏。欽此遵。

旨議奏。官運幫銷日絀。勢難加辦。又無殷實商人可以招舉。惟有力節虛糜。務歸實在。並將代銷名目永遠革除。○同治四年奏准福建鹽務自本年閏五月改行票運後。約計每年徵收課耗釐銀三十七萬九千六百餘兩。即作為定額。原定課銀一兩。隨徵耗銀一錢。釐銀五錢。同治六年。所有經徵。本減每課銀一兩。隨徵釐銀四錢。督徵接徵各員考成。統按額定之數。分作十分。

覈計全完議敘未完議處其奏銷月日以每年五月二十一日截數後先行奏報十月題銷○

又

諭前因左宗棠奏閩省鹽綱疲壞請試行票運一年當交戶部議奏嗣經該部以閩鹽改行票運全議更張恐虧課病民咨令該督妥籌期於毫無窒礙茲據奏稱自本年閏五月起試行票運甫及半年所收實解之款已抵前次一年及一年半之數向之疲滯口岸自試行新章以來漸有商販認辦各衙門一切陋規所裁不下七八萬兩羣情翕然且釐隨課出皆取之

買票商販並未沿海散抽。數月以來亦無私梟拒捕之案。從前縣澳官幫坐收課費以充私橐。今則挈向時官吏私攫之款。涓滴歸公。至閩鹽積欠數百萬兩。現雖專顧課釐而舊欠仍未嘗不按期催繳。請仍飭部將試改票運行止。速行議覆等語。覽其所奏。於閩省鹽綱之積弊。及現辦票運之可行。實為洞悉原委。總之鹽務為國課大宗。亦為姦胥利藪。惟在得人而理。斯能力挽頽綱。票運之行。雖不能保其必無流弊。儻承辦之員均能潔己奉公。不為私計。自足以除從前積重難返之弊。而與為更始。該督既稱商情既便。

市價無增無加額之名。而有裕課之實。即著照所請。先行試辦一年。俟有成效。即行奏明。著為定章。以肅鹽政。而裕課餉。○七年奏准。閩鹽雜支各款。每年約需銀六萬餘兩。向在長價錢水府稅等項下動用。自改行票運。在額外贏餘款內支銷。初屆報收銀十九萬八千餘兩。作為額外贏餘。不計考成。嗣後徵收多寡不定。如每年徵收有餘。除抵放雜支外。餘銀報部候撥。如徵收較少。或竟無贏餘。准在鹽耗鹽釐項下借支。每歲仍不得過二三萬兩。以示限制。○十二年奏准。臺灣府屬加徵課釐銀一萬八千五百兩。歸於正

課奏銷冊內另款開列一併覈計分數考成其

舊額應徵正溢兩課銀一萬五千九百三十九

兩零

內正課銀四千五百二十錢八分三釐溢課銀一萬一千八百八十九兩五錢九分

九仍查照引章年清年款覈計考成每年分造

臺灣正溢兩課清冊隨同奏銷報部○又定省

西路各幫東路甯福幫羅源幫南路幫縣澳閩

清永福二幫連壺幫平潭幫仙游幫漳浦縣詔

安縣

均加以耗鹽三十配運每南安幫海澄幫永春幫

德化大田二幫龍巖幫甯洋幫漳平縣龍溪縣

均加以耗鹽二十五配運每安溪縣雲霄廳均加以耗鹽二十五配運每

加耗鹽二十斤福清縣縣辦利橋館縣辦高山又場辦

牛田牛宅城頭三山四館縣辦嶼頭館場辦後

營館長樂縣莆田縣涵江南門北門華亭黃石

西墩白沙平海青山黃林東浦東珠江口後店

黃堡各埠平和縣

均加以一五配運每擔加耗鹽十五斤

南靖縣

霞浦縣晉江縣同安縣惠安縣福鼎縣長泰縣

均加以一配運每擔加耗鹽一十斤以上每擔覈定一百斤俱遵

用部頒新法○又定臺灣府屬洲南洲北瀨東

三場鹽斤

每擔一百斤加耗鹽十二斤

瀨南瀨北兩場

每擔一百斤

斤加耗鹽二十四斤俱遵用部頒新法○又定臺灣府暨

府屬雲澳幫地方由商認納課銀不行鹽引臺

灣府

徵鹽埋銀三千一百二十五兩四錢有奇
贏餘銀六千八百七十四兩五錢有奇

雲澳幫

額課銀一百九兩七錢有奇
餘銀三百八十兩二錢有奇 共徵鹽

埋等銀一萬三百九十九兩八錢有奇。光緒

十三年奏准福建西路邵武等屬所行閩鹽自

光緒八年減釐金二成續又量減二成惟廣東

潮鹽引地未減擬請閩省將汀屬各埠鹽釐援

照邵武各埠一律覈減即由潮埠按照閩省每

年原包釐金之數再減二成代抽代繳